

Edar 3,000 bungkus bubur lambuk



Penghulu Mukim Kuala Pahang, Hassan Mohamed Shukor (tiga, kanan) serah bubur lambuk kepada wakil UMP, Shahruinizar Md Ahir.

KUANTAN - Sebanyak 3,000 bungkus-an bubur lambuk diedarkan kepada orang ramai sempena program Bubur Lambuk Ramadan 1437 anjuran komuniti sekitar Kuala Pahang, Pekan, kelmarin.

Acara tradisi yang dilakukan sejak beberapa tahun lalu sempena Ramadan itu turut disertai Pusat Transformasi Luar Bandar (RTC) Pahang.

Pengurus RTC, Normah Md Yusoff berkata, program itu dilaksanakan de-

ngan kerjasama beberapa agensi termasuk Komuniti 1Malaysia, Universiti Malaysia Pahang (UMP), Kumpulan Wanita Nelayan (Kunita) Sri Kuala, Kemas Pekan, Pusat Latihan Khidmat Negara (PKLN) Gosong dan Jawatankuasa Kemajuan dan Keselamatan Kampung (JKKK) Kuala Pahang.

Menurutnya, program secara besar-besaran tahun itu dijayaikan oleh seramai 100 peserta daripada 13 pasukan.

Normah berkata, bubur lambuk dimasak di dewan terbuka, perumahan Komuniti Bersepadu Kuala Pahang sebelum diagharkan kepada penduduk, orang ramai, kakitangan kerajaan dan pelajar di sekitar Pekan.

"Kita turun padang buat agihan ke beberapa lokasi antaranya di Pejabat Daerah Pekan, Hospital Pekan dan Sekolah Kebangsaan (SK) Indera Shahbandar," katanya.